

TA MAUI POMARE

No te 29 o Hune nei ka tae mai te rongō i California (Amerika) : ko Ta Maui Pomare K.B.E., C.M.G., M.P. te Tai-Hauauru, kua mate. Hei toru tenei mo nga wiki o tona haerenga atu i konei, ki te whakamaheahea haere i tona mate. Ka roa nei hoki ia e takoto ana i tona mate. Ina ra mata, kua mate.

I whanau ia i te tau 1876. Ko tona papa ko Wiremu Naera Pomare, he rangatira no Ngati-Awa. I marena ia ki te tamahine a Woodbine Johnston, kia Miria. Tokorua a raua



tamariki taane, kotahi te kotiro. I a ia i te Aute e kura ana, ka koinga ia kia tu takuta ia mo tona iwi. Ka whakawhiti ki America kura ai. E wha tau ka 'marie honore' ia i tona tuwhikete takuta, ka riro mai i a ia te M.D. I a ia i Amerika : ko taana mahi he kauwhau ki nga whakaminenga rangatira mo tenei iwi mo te Maori. Ko nga herengi e riro mai i tenei tu mahi ana, ka ahū hei whakapiki mo tona kuranga. He maha nga wa i haere kai kore ai ia, mo nga herengi kia toe hei utu i ana pukapuka kura. I tona hokinga mai, ka 25 tau tona pakeke, ka whakawhiwhia ia e te Kawanatanga ki te turanga Kai-Tirotiro mo te taha Ora o te Iwi Maori. Ko ia te takuta tuatahi ki te tomo haere ki nga waahi ururua o Tuhoe, me runga o te awa o Wanganui. Ko ana ripoata o